

明末史料五種

三

天
地
人
三
才
圖

天南紀事卷上

永曆帝即位本末

帝諱由榔桂恭王之第五子也王諱常瀛生五子世子蚤卒次
永興嘉善安仁永明四王永明即帝也乙酉清師取南京唐王
諱聿鍵立于閩是為思文皇帝建號隆武詔至兩粵督臣丁魁
楚集多官紳士議所以迎奉之者侍郎陳子壯謂天位有敘神
宗之子桂王固在也唐藩得罪先朝不當立魁楚曰閩粵異帝
則閩粵之亂必起藩籬有變誰復禦之子壯抗論不已守道湯
永賀袒魁楚議遂挺身子壯而批其頤乃奉詔時桂王居梧州

聞之遂開戶謝絕使者未幾靖江王事嘉自立于桂林僭號興
業撫臣瞿式耜不屈走之梧嘉自引兵追之總兵陳邦傳擊
敗事嘉進兵圍之于桂林遂擒之檻解于閩事平而桂王竟以
憂悸致疾薨明年八月隆武帝蒙塵魁楚式耜及呂大器等以
桂藩惟安仁永明兩王在安仁賢明于次當立不數日暴薨安
仁亦暴薨十月立永明王為皇帝以明年丁亥為永曆元年是
月也隆武帝之弟唐王聿錡將文武將吏數千人由海道自閩
之廣州府亦自立為皇帝僭號紹武帝發兵討之戰于三水聿
錡之兵大敗督臣林佳鼎乘銳而進與聿錡之海兵遇于大通

嶋其將鄭昌球馬元芝等皆海上大盜也巨艦聯船鼓噪迎敵
王師舟小為所衝駭羣棄舟走海濡頤更潮至大軍盡覆佳鼎
死之惟摠兵李明忠等引敗兵數百人得歸行在大震幸鐫習
丈詞日為視學講書狃于大勝不設備清師自惠州以輕騎七
百餘人來襲廣入之幸鐫自焚死野史氏曰自甲申以後三年
四年間明統三續其間不絕如縷乃覬覦窮鼎負之而趨者四
良可哀也享嘉鐫幸之外又有浙東魯王之名以海者川東楚
宗室之名容藩者僭據雲貴之巨盜孫可望與平溪之僧人偽
稱弘帝光帝者以海東南之人當有筆記不更述可望事詳別

紀容藩楚藩之鎮國將軍也永曆元年大樹宗臣以崇維城之
望授藩兵部侍郎監郢川楚軍務是月年八月武攸失守帝聞
關入粵而川楚間聲息中阻藩逆騰檄遠近以爵賞啗川中將
帥冀立己因題其署曰大行臺副臣呂大器倡義使李占春討
平之平漢僧人蜀府校尉也蜀破走入楚為無賴僧回事為平
漢指揮所縛乘醉自言是弘光帝冀得釋無它也指揮集眾歸
視有高士美者曾以歲貢赴甲申廷試悚然曰真吾主也遂叩
首稱萬歲旬日之間聚數千人廣致銀幣并納士人女為后及
貴人者無算黔楚將吏亦有稱賀入貢者撫臣未壽圖往見知

其偽真前縛之事聞戮于市士美希驟富貴并伏法

永曆帝播遷本末之上

帝之初立也于廣東之肇慶府丙戌十二月清師襲破廣州報
至料現兵正總兵戚大用狼兵五千李明忠狼兵二千不足為
峽口備禦之用無間賊守矣遂議移蹕故事兩廣總督鎮肇慶
林佳鼎之死撫督廢不設至是帝欲設撫督而去廷臣列十餘
人以上摠兵侯性周仕鳳與焉帝曰侯性可魁楚曰否乃以嶺
西道朱治憫為兵部侍郎摠督兩廣軍務帝遂行從者止魁楚
家健數百人而已有萬年者江督萬元吉侄也奉命招水師聯

檣數百艘自峽口入既至而帝行水師皆海上積盜登陸剽掠
肇城內外如洗萬年死亂兵治惘亦逸去永應元年正月帝駐
蹕桂林閣臣魁楚辭去凡機務政令一出于閣臣瞿式耜于是
布置諸將李明忠守潯州戚大用守南太巡撫洪耀守海北守
道王華玉守鬱林而征蠻將陳邦傳將重兵守昭平以遏梧肇
軍勢乃初定三月李明忠告變邦傳即撤昭平之全師擊之昭
平遂失帝倉皇自桂林移蹕全州清師復乘虛自府江水陸倍
道進攻桂林總兵焦璉嬰城固守帝又倉卒自全州移蹕武岡
焉武岡故岷王封地也總兵劉承庸守之帝甲三萬人頗稱大

鎮以尚女為岷王妃驕縱自擅與湖南督臣何騰蛟弗善也帝
在全州承肩進帝帑金食物甚盛并疏請移蹕帝以粵西動搖
遂封承肩為武岡侯如其所請既至即岷王府以居未幾又進
封為安國公承肩益肆疏請褫削督臣騰蛟不聽又疏請杖謫
廷臣劉湘客吳其需萬六吉等帝雖聽之而厭苦承肩殊甚
六月清師大入湖南督臣何騰蛟撫臣章曠制臣堵胤錫左將
軍郝永忠右將軍張先璧之兵皆戰敗而走

七月清師進克寶慶距武岡兩日耳劉承肩皇遽出戰不勝遂
降帝夜半走靖州惟兩太后暨皇后得從皇子宮婢乘輿御物

盡棄之而去御史朱珂故督臣壽國子也有秦兵三百人瞋黑
中衛帝西發明農將吏相繼而至總兵陳友龍率精兵三千人
來迎帝乃安驅至靖州取道沙柘古泥以入粵九月帝乘舟至
柳州而舟居會土寇車鳴珂作亂以數萬人破柳州大肆暴掠
矢集于橋者無數帝復乘舟至象州而舟居

十一月還蹕桂林計九年一歲之內自肇而梧而桂而全而武
復自武而靖而柳而象崎嶇數千里瀕于危者數矣還入于桂
仍驚栖無定也

永曆二年正月湖南爵鎮之兵大潰清師尾躡之遂破全州興

安左將軍郝永忠疾馳入奏請蹕南行因縱掠桂林而去

三月帝駐蹕南寧

四月江西之金聲桓自稱豫國公廣東之李成棟自稱廣興侯各差官進箋內附湖南大饑人相食清師盡撤而督臣何騰蛟制臣堵清錫收拾散亡復有衡永長寶常澧沅靖之地一月之間捷書數十至此明季數年以來所絕無也

五月成棟大發舟艦將士迎帝于潯

七月帝至潯

八月仍蹕于肇慶帝覽舊增歎今有司毋增飾殿堂以忘夙昔

永曆三年己丑帝在肇慶是歲五月金聲桓平清師復大入潮
南收四郡地督臣何騰蛟死之諸鎮兵大潰某月李成棟之兵
潰于信豐成棟赴水死五月封孫可望為秦王從武康伯先朝
胡執恭之密請也

十一月堵胤錫卒

永曆四年庚寅正月帝在肇慶是月清師入廣南走羅成耀行
在大震帝移蹕至梧州而舟居謝陳邦傳及高必正等東援廣
州邦傳至高必正等久之乃至梧州居兩月仍引還

十一月初一日清師克廣州守將杜永和走入海初二日清師

克桂林督師瞿式耜總督張同厥死之行在大震帝年斬潮寇
走潯州中路潰兵肆掠從官有死于水者

十二月蹕于南寧

永曆五年辛卯正月帝在南寧

二月孫可望大發兵赴行在護蹕遂殺閣臣嚴起恆樞臣楊鼎
和科臣吳霖劉克球張載述并戚將諸鎮索其士馬資重中外
怨叛

六月可望復請移蹕于滇帝優詔拒之可望遂大怒

九月撤其兵并執撫臣胡永華而去以疏劾可望不臣故也野

史氏四帝初時幅員廣闊是以有為而身弱敵強日就蹙解
又重以內關之難可望撫之入室雖不免也得乎後之君子似
不必讀是篇之終矣

永曆帝播遷本末中

永曆六年壬辰正月帝自身入黔境蹕于安龍先可望檄兵還
清師大入潯南降陳邦傳走趙印選胡一清等帝倉卒出奔新
蹕隆安縣之賴羅清師蹕之遠奔黔境時可望據鎮黔楚蜀之
上雖受王封而志縱益甚二三年間三方將帥如王祥皮熊張
先壁高必正余大海武大定等皆一時健將破降走死畧盡帝

雖惡之而不能問也既入黔境不得已以書告可望趙令迎
蹕關有才等將兵萬人守邊關帝至望風迎護曰此我曹故主
也進銀帛食物甚衆可望聞而惡之既至安龍帝以其地高涼
無瘴厲遂駐蹕焉

六月孫可望進銀八千兩歲以為常宮眷及從扈之百官衛士
計人月給口食帝以不足用為言不答是月李定國劉文秀自
稱可望之弟恭張萬安并進銀幣食物值可萬計可望聞而益
惡之

六月李定國告桂林之捷

十月又來告衡州之捷是月劉文秀大敗於保寧

永歷七年癸巳正月帝在安龍

二月李定國引兵南奔

三月孫可望戰敗於武岡之北街子引兵而還

永歷八年甲午正月帝在安龍

二月孫可望殺國正吳貞毓及庶官張鰲徐極等十八人于安

龍自威令稟于孫氏而黨附者皆為受禪之說稱後明而立三

廟崇祀明太祖張獻忠及可望之祖時有馬吉翔者以依中官

起家為錦衣衛堂上官入閣辦事有年矣至是與中官司禮監

龐天壽得附可望為自安之計事無巨細悉以聞之國臣吳貞毓志圖復辟聞定國駐兵柳州威名頗著請帝召之以龐馬為山人根柢當先去之于是言官次第劾言翔賊罪未嘗切責言翔遂請奉祀皇太后山陵辟之南寧而天壽亦私宅間住帝乃命庶官林青陽間道懷勅令定國入衛久之復遣周允迪往時龐馬雖引去深銜貞毓等時調察貞毓等所為微知其端而未敢發也會有劉議新者于定國坐上議林青陽周允迪知將南事而定國亦主將發兵而南矣議新遂疾走行在以告過南寧晤吉翔而不知其與貞毓交惡也以其事告吉翔吉翔伴喜飲